

江津縣志

賦役志

戶口

丁糧

歲支

津貼

納稅

國家賦稅莫重於東南而四川為最輕說者謂明季

獻賊蹂川蜀土莽為榛墟盪平而後土著寥寥即

占籍者亦尠故其時按地陞科概從輕則以津邑

之袤廣而徵收條糧不過陸千以視明代每年徵

銀至叁萬捌仟餘兩多寡懸殊若此或且以為時

與地為之而不知非也恭查康熙五十年欽奉

恩旨徵收錢糧但據康熙五十一年丁冊定為常額續生

人丁永不加賦又乾隆五年欽奉

江津縣志

卷四

賦役志

恩旨零星地土聽民開墾永免陞科嗚呼何其愛民之深

而體恤之至也夫宏覆育者化工不自言功安耕

鑿者帝力於我何有津之民幾相與忘之矣茲特

總今昔多寡之數而備錄之並

列聖捐免之詔亦詳載靡遺俾津民知含哺鼓腹樂堯天

而歡禹甸者幸生此

聖明之世矣作賦役志

戶口

康熙六年起至乾隆三十一年止版籍戶口叁萬

玖千貳百柒拾壹 男子貳萬伍百叁拾伍丁

婦女壹萬捌阡柒百叁拾陸口

嘉慶十年以後原額增添共肆萬柒阡伍百伍拾壹戶 男拾萬壹千捌百伍拾陸丁 婦女玖萬柒千貳百伍拾玖口共拾玖萬玖阡壹百壹拾伍丁口道光二十四年以來至於今原額增添現共陸萬捌阡肆百拾壹戶 男拾伍萬叁千叁百捌拾伍丁 婦共拾貳萬捌阡肆百陸拾貳口共男婦貳拾捌萬壹千捌百肆拾柒丁口

丁糧

前明原額人丁壹萬壹阡柒百貳拾柒丁稅糧叁

江津縣志

卷四

戶口

二

萬伍阡壹百陸拾玖石捌升分夏秋二季徵納嘉靖十二年立一把連法每糧壹石徵銀玖錢陸分零叁毫共徵條糧銀叁萬叁千柒百柒拾貳兩捌錢柒分火耗銀伍阡零陸拾伍兩玖錢叁分共徵銀叁萬捌阡百叁拾捌兩捌錢

國朝自康熙六年奉文清查起至雍正七年徵輸止原載糧叁阡叁百叁拾陸石叁斗捌升伍合肆勺玖抄貳撮玖圭玖粒叁粟

原載人丁壹千壹百壹拾貳丁伍分伍毫伍絲柒忽

原載丁條糧銀叁千壹百玖拾玖兩伍錢玖分柒釐伍毫肆絲捌忽貳微伍塵肆纖

康熙五十年欽奉

恩旨徵收錢糧但據康熙五十一年丁冊定爲常額續生人丁永不加賦

雍正七年奉文丈量

恩准部覆丁條糧合併積算按畝徵銀除藉田四畝玖分不徵丁糧外統計上中下田地壹萬貳阡叁百壹拾伍頃肆拾玖畝肆分玖釐共徵丁條糧銀伍阡玖百玖拾陸兩貳錢貳分柒釐遇閏仍照康熙九年奉文舊例每兩加銀貳分捌絲

江津縣志

卷四

丁糧

三

旨零星地土聽民開墾永免陞科所有陸續墾闢下地貳

阡陸百陸拾伍畝照例造冊詳報免陞科稅

現共徵丁條糧伍千玖百玖拾陸兩貳錢貳分柒釐遇閏之年照例加徵

歲支

一嘉慶七年奉文新增

文昌宮春秋祭祀銀壹拾肆兩在於鹽茶存公銀內請領支給存留

一本縣春秋二祭

文廟及山川社稷各壇祠祭祀銀壹拾陸兩又續增武廟春秋二祭銀壹拾陸兩內酌撥銀貳兩致祭厲壇

一本縣廩生原額貳拾名每名歲支餼糧銀叁兩貳錢其銀陸拾肆兩遇閏每名加銀貳錢陸分陸釐陸毫陸絲陸忽陸微陸塵肆纖

一本縣知縣壹員歲額俸銀肆拾伍兩額設衙役叁拾名內門子貳名皂隸壹拾叁名馬快捌名轎傘扇夫柒名每名歲支工食銀陸兩共銀壹百捌

江津縣志

卷四

歲支

四

拾兩改設件作貳名每名歲支工食銀陸兩隨學件作貳名每名歲支工食銀叁兩共銀壹拾捌兩又設立民壯八名每名歲支工食銀捌兩共銀陸拾肆兩額設禁卒拾名更夫捌名每名歲支工食銀陸兩共銀壹百捌兩添設捕役四名每名歲支工食銀陸兩共銀貳拾肆兩又設斗級貳名倉夫肆名每名歲支工食銀陸兩共銀叁拾陸兩又設立縣屬底舖白巖九龍石橋岐路頭塘高牙大屋梅枝尹村大塘長沙林崗棗園杜市高歇里小共壹拾柒舖共設舖司兵伍拾壹名自道光二十伍

年起至咸豐三年止每名月給銀伍錢歲共支銀叁百陸兩咸豐四年奉文裁減按照新例無驛拾分留肆改爲役遞工食每名月給銀貳錢歲共支銀壹百貳拾貳兩肆錢遇閏照數加增

一本縣典史壹員歲額俸銀叁拾壹兩伍錢貳分額設衙役陸名內門子壹名皂隸肆名馬夫壹名每名歲支工食銀陸兩共銀叁拾陸兩

一本縣教官貳員每員歲額俸銀肆拾兩共銀捌拾兩額設衙役肆名內門斗貳名膳夫貳名每名歲支工食銀陸兩共銀貳拾肆兩

江津縣志

卷四 歲支

五

一孤貧口糧歲無定額現扣支銀叁拾捌兩肆錢以上存留祭祀官俸餼糧衙役作作民壯禁卒更夫捕司孤貧歲支共銀壹阡肆拾陸兩玖錢貳分於嘉慶四年欽奉

上諭凡應支各款在於本縣地丁銀內除留支給年終造册奏銷咸豐四年奉文將銀全數解司均赴藩庫請領支給所有地丁條糧銀伍阡玖百玖拾陸兩貳錢貳分陸釐柒毫壹絲柒忽伍微肆塵肆纖肆沙肆渺肆埃俱起運布政司庫收存聽候撥支

雜課

現徵魚課銀壹兩捌錢陸分牙行銀壹兩伍錢當課銀伍兩田房稅契咸豐四年分徵收銀貳百壹拾貳兩陸錢肆分嘉慶十六年奏明加增盈餘銀壹阡貳百壹兩捌錢俱起運布政司庫收存聽候撥支

津貼

咸豐四年奉文按照丁糧每年解津貼銀伍阡玖百玖拾陸兩貳錢貳分柒釐遇閏加銀叁百陸拾捌兩壹錢柒分叁釐局士薪水繩索鞘匣旗幟等

江津縣志

卷四

雜課津貼洋藥

六

費每銀百兩扣銀壹兩五年改扣貳兩共銀壹百壹拾玖兩玖錢貳分肆釐伍毫肆絲每年實共解銀伍阡捌百柒拾陸兩叁錢零貳釐肆毫陸絲運交藩庫聽候支撥

洋藥釐金

咸豐四年冬奉文每年攤派各鄉鎮洋藥釐金銀壹阡肆百伍拾兩飯食費用銀伍拾兩起運鹽茶道庫收存聽候支撥旋因收納瑣碎始議在防費局提銀全解此款已於同治十二年奉文停止

鹽法

縣屬原不產鹽自

國朝招徠人煙漸密始招商領引於富順產鹽處配運徵稅出關至津投引截角盤驗分運永璧兩縣行銷雍正五年奉文清查將從前截驗引張陋規銀捌錢改作羨餘解納鹽茶道庫充公八年欽奉上諭案內計口授鹽津邑認銷富順水引壹百陸拾張每張徵稅銀叁錢肆分伍釐羨餘銀伍兩伍錢玖分伍釐截角銀陸錢計引壹張應共徵正羨截角銀玖兩陸錢每年照數批解除詳報總商壹名外添

江津縣志

卷四

鹽法

七

設散商捌名領引買運鹽助於縣屬各市鎮行銷並於各隘口設役巡查盤驗以防私販及夾帶等弊十年遇閏請增引壹拾肆張後卽爲續增之引十一年因生齒日繁請增引壹拾玖張乾隆五年增引叁拾張十七年增引柒拾張二十九年又請增引陸拾張每年行引共叁百陸拾張徵正稅銀壹阡貳百貳拾伍兩捌錢合課羨截共徵解銀叁阡肆百伍拾陸兩

茶法

康熙三十年以前縣境無茶亦無課無稅四十八
九年後居民以山箐界連仁懷合江地皆產茶足
資利用相率栽植五十四年奉文認銷榮經縣逃
商邊引壹百張報商叁名每年納茶正稅銀肆拾
柒兩貳錢應該火耗銀壹拾壹兩陸錢陸分肆釐
雍正九年奉文詳定茶稅正項羨餘每邊引百張
共徵銀捌拾貳兩壹錢乾隆十三年知縣彭維銘
因縣屬產有餘茶請增腹引肆拾肆張招商貳名
於本縣採買運赴永璧二縣行銷每引壹張徵課

江津縣志

卷四

茶法

八

銀壹錢貳分伍釐稅銀貳錢伍分羨餘銀玖分捌
釐截角銀壹錢貳分共徵課稅羨截銀貳拾陸兩
零玖分貳釐年終解赴鹽茶道庫上納道光三十
年十月奉文通飭遵辦案內增添腹引壹百伍拾
陸張其稅課羨截銀兩與前腹引肆拾肆張同又
隨引照票每張徵銀壹兩零捌分現共行邊腹引
叁百張總共徵解銀貳百貳拾貳兩叁錢

土貢

明戶口鈔玖阡壹拾口徵銀壹百陸拾貳兩壹錢遇
閏加拾叁兩伍錢壹分伍釐原額辦各色課鈔貳阡

伍百伍拾伍貫伍百壹拾文商稅課鈔壹阡柒百貳拾陸貫捌百文

酒稅鈔捌拾伍貫捌百文油榨課鈔拾貫捌百文房地賃鈔肆拾柒貫玖百壹拾文魚課鈔伍百捌拾壹貫壹百貳拾文船課鈔壹百陸貫捌百文

歲辦添辦麈皮白毛生硝共壹百柒拾肆張翎毛貳阡陸百伍拾文共價銀叁拾柒兩貳錢捌分內翎毛銀壹兩肆錢壹分

歲辦料價軍需銀柒百叁拾壹兩陸錢玖分柒釐玖毫捌絲歲解北京戶禮工三部料價共白銀陸百伍

江津縣志

卷四

土貢倉儲

九

拾叁兩伍錢陸分貳釐成都等五衛軍需料價共白銀伍拾玖兩陸錢料價共白銀壹拾捌兩伍錢

國朝仁恩浩蕩憫念遺黎津邑一概無貢

倉儲

康熙二十二年起額存常平倉穀陸阡零捌拾石
乾隆十八年奉文捐監起至二十四年共捐監倉穀貳萬石

乾隆二十二年奉文採買穀陸阡石

乾隆四十二年奉文採買加儲穀壹萬貳阡石五
十一年採買加儲倉穀陸阡石五十六年採買加

儲穀柒阡玖百貳拾石共儲穀貳萬伍阡玖百貳拾石

以上通共倉穀伍萬捌阡石除道光七年及咸豐三年動糶穀叁萬肆阡石實儲倉斗穀貳萬肆千石咸豐七年奉文糶濟京倉穀壹萬肆千肆百石現存常監及採買穀共玖千陸百石分儲署內左邊共貳拾壹廩

社穀

社倉穀城鄉共存穀壹萬肆千伍百肆拾玖石貳

斗壹升

查自乾隆十九年起至二十一年止陸續勸捐社穀並出借徵收加壹息共存穀壹

江津縣志

卷四

倉儲社穀

十

萬壹千玖百陸拾捌石肆斗陸升肆合又於二十九年奉文勸捐義穀貳千伍百七拾捌石捌斗叁升又於三十一年續勸捐義穀玖百貳拾石零叁斗應共存穀壹萬伍千肆百陸拾柒石伍斗玖升肆合嘉慶元年增修邑志則載社穀總數壹萬肆千伍百肆拾九石貳斗壹升尙差穀玖百壹拾捌石叁斗捌升肆合想係出借息穀未收今按元年倉科卷內仍實存社穀壹萬肆千伍百肆拾玖石貳斗壹升與嘉慶元年相符當據此

三里十二都各鄉共存社穀壹萬貳千肆百玖拾

伍石肆斗叁升陸合

各都甲因案繳存縣署倉社穀共壹千柒百叁拾

石零叁斗叁升肆合

同治二年賀主任內因穀漸

貳百捌拾陸兩又特主任內穀社穀存銀叁拾捌兩捌錢壹分叁釐二共

捌錢壹分叁釐現
存倉房尙未買還

各都甲因軍務借碾繳存署倉社穀共叁百貳拾
叁石肆斗肆升

濟倉

濟田自嘉慶二十二年紳糧勸捐收租起至道光
二十一年止每年收納市斗租穀壹千伍拾貳石
每市斗壹石合京斗肆石除額存京斗穀捌千石
及每年完納地丁支給倉夫工食穀拾伍石陸斗
外所收租穀俱已變價批解司庫又自道光二十
二年起至同治十三年止計三十三年年每年應收

江津縣志

卷四

濟倉

十一

倉斗租穀陸百零捌石除每年完納地丁支給倉
夫工食穀拾伍石陸斗外共收倉斗穀貳萬零零
陸拾肆石除咸豐四年堵禦黔匪稟報動碾京斗
穀陸千石又除咸豐十年奉文糶賣額餘穀共壹
萬壹千壹百陸拾叁石貳斗按照例價批解藩庫
掣批載卷實應存京斗正餘穀壹萬零叁百捌拾
肆石此項於咸豐六年經知縣李玉臺督同三里
紳糧修造公局設立倉正副將收存穀石悉數發
交倉正副等輪流經管並將地名黃荆驛廣額孤
貧田土一分提歸濟倉招玖捌色銀玖拾兩納市

斗租穀拾叁石作為濟田歉收彌補之數所有佃戶年納租穀概由倉正副等經收

一濟田紅契叁張黃荆灣紅契壹張存房

一濟田地名湯家灣押銀貳百伍拾兩每年納縣

城市斗租穀陸拾石

一濟田地名花坪壩押銀貳百貳拾兩每年納縣

城市斗租穀伍拾陸石

一濟田地名銅巖峽押銀壹百伍拾兩每年納縣

城市斗租穀肆拾捌石

以上濟田三處共押銀陸百貳拾兩內肆百伍拾玖兩貳錢於咸豐六年經知縣李玉臺一併發給倉正副等買穀填補濟倉去訖外存銀壹百陸

江津縣志

卷四

濟倉

拾兩零捌錢係同治五年倉正添取佃戶押租銀兩稟請存庫當未呈繳同治六年經倉正黃登三支用銀柒拾陸兩肆錢柒分祇存銀捌拾肆兩叁錢叁分交與倉正劉鼎支用均有報銷

查濟倉於嘉慶二十二年總督常奉

上諭勸捐置田建修濟倉以備災歉聽民自司出納不准

官吏主持繼經總督戴奏請定額以餘穀按年變

價解司俟有災歉准請領回賑濟道光十二年

起至二十一年止所解司庫銀兩毫未領回二十二

年總督琦會同藩司張察出變價解司之舉毫無

益於民間復奏奉

諭旨聽民自司出納咸豐元年總督徐札飭各州縣將濟社穀加謹收存以期有備九月兩江總督陸奏勸捐鄉穀以儲民食奉

上諭濟穀之設係由民間公正紳耆自收自放不涉胥吏之手始無抑勒侵吞等弊著各督撫各就地方情形妥爲辦理在案咸豐二年邑舉人戴鴻澤張樹邠等稟請縣官孫濂通稟各大憲將濟穀仍交紳糧經管奉總督裕批具稟已悉仰布政司卽飭如稟設立倉正副將額存穀妥爲經理仍飭該縣隨時清查切勿以專司有人毫不過問致有虧短爲

江津縣志

卷四

濟倉

三

要爰遵舉倉正副經管卽於三費局內建修數楹以爲濟倉公局咸豐七年二月落成並將公議規條刻本懸於局中以垂久遠

蠲政

康熙二十五年奉

上諭湖南福建四川貴州地方昔年爲賊竊據民遭苦累今雖獲有甯宇更宜培養以厚民生四川貴州兩省所有二十六年應徵地丁各項錢糧俱著蠲免二十五年未完錢糧亦著悉與豁除康熙三十二年奉

上諭廣西四川貴州雲南四省俱屬邊地土壤磽瘠民生艱

苦與腹內舟車輻輳得以廣資生計者不同朕時切軫懷歷歲以來屢施恩恤積欠錢糧俱經次第蠲豁茲念育民之道無如寬賦矧邊省地方非再沛優恤之恩則閭閻無由充裕所有三十三年四省應徵地丁糧米著通行蠲免康熙四十二年奉

恩詔雲南貴州四川廣西四省俱屬極邊之地朕未經巡視數年以來又未曾蠲免錢糧宜更施恩澤四十三年四省應徵地丁各項錢糧通著蠲免康熙四十九年奉

恩詔朕八齡踐阼之初

江津縣志

卷四

蠲政

十四

太皇太后問朕何欲朕對臣無他欲惟願天下治安生民樂業共享太平之福而已迄今五十年矣惓惓此心未嘗一日少釋每思民爲邦本勤恤爲先政在養民蠲租爲急數十年以來除水旱災傷例應豁免外其直省錢糧次第通蠲一年者屢經舉行更有一年蠲及數省一省連蠲數年者前後蠲除之數據戶部奏稱通共會計已逾萬萬朕一無所顧惜百姓足君孰與不足朝廷恩澤不施及於百姓將安施乎朕每歲供御所需概從儉約各項奏銷浮冒亦漸次釐革外無師旅餉饋之煩內無工役興作之費因以歷年節省

之儲蓄爲頻年渙解之恩膏朕之蠲免屢行而無國計不足之慮亦恃此經畫之有素也比來省方時邁已歷七省南北人民風俗及日用生計靡不周知而民生所以未盡殷阜者良由承平旣久戶口日繁地不加增產不加益日用不給理有必然朕洞矚此隱時深軫念爰不靳敷仁用甦民力明年爲康熙五十年思沛大恩以及吾民直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共柒百貳拾壹萬陸千壹百兩有奇人丁銀壹百壹拾伍萬壹千兩有奇歷

江津縣志

卷四

蠲政

五

年舊欠共壹百壹拾捌萬伍千肆百兩有奇俱著免徵其餘應蠲省分次第遵行雍正七年閏七月奉

上諭數年以來甘肅四川雲南貴州廣西五省有用兵西藏及勦撫苗蠻等事其一應軍需皆動用公帑備辦秋毫不派及民間而糧餉轉輸亦有資於民力今藏地苗疆俱已甯謐朕心嘉慰特沛恩膏將庚戌年五省額徵地丁銀兩悉行蠲免乾隆十一年奉

上諭四川雲南貴州等省應徵地丁錢糧通行蠲免餘省次第施行乾隆十三年奉

上諭四川金匱不法大兵勦撫一切軍需皆動支

國帑而轉運飛芻不能不需用夫役借資民力所有十三年應徵地丁錢糧著緩徵

乾隆五十五年奉

上諭今歲朕屆八旬壽辰敷錫兆民普天臚慶特降

恩旨將乾隆五十五年各直省應徵錢糧通行蠲免農民等皆可均沾惠澤因思紳衿富戶田產較多之家皆有佃戶領種地畝按歲交租今業主既概免征輸而佃戶仍全交租息貧民未免向隅應令地方官出示曉諭各就業主情願令其推朕愛民之心自行酌量將佃戶應交地租量予減收亦不必定以限制官爲勉

江津縣志

卷四

蠲政

十六

強抑勒務使力作小民共享盈甯之樂以副朕予惠閭閻廣宣湛澗至意欽此欽遵抄出到部相應行文各督撫府尹一體遵照可也

乾隆六十年十月奉

上諭朕臨御以來勤求民隱日有孜孜惟期藏富於民家給人足仰荷

昊蒼眷佑

列祖貽庥寰宇昇平重熙累洽行慶施惠闡澤頻加節經普免天下漕糧三次地丁錢糧四次其餘遇有偏災隨時蠲賑不下千億萬兩所以子惠元元休養生息者

至周且渥今朕紀年慶符周甲丙辰元旦舉行歸政典禮爲嗣皇帝登極初元大廷授受篤祜延釐實爲曠古吉祥盛事允宜廣沛恩綸俾薄海羣黎共霑湛愷本欲於新正傳位後降旨但思二月間卽屆開徵之期恐遠省接奉稍遲着卽將嘉慶元年各直省應徵地丁錢糧通行蠲免以示朕於嗣皇帝愛育閭閻同沛恩施至意其如何按年輸免之處該部查照向例核議具奏施行欽此欽遵

嘉慶七年三月奉

前因勒保奏川省各州縣民人誼切同仇情願續輸津

江津縣志

卷四

蠲政

七

貼銀兩以備賞需之用甚屬急公可嘉當卽降旨今勒保查照上年恩旨再將應征地丁錢糧奉請分別蠲免該省人民倡議續捐之時勒保若行具奏請旨朕必不允所奏因人民等業已續捐自不得不俯如所請現據勒保覆奏辦理津貼各州縣分別銀數多寡並蠲免分數開列清單進呈著照單開各屬所有此次捐輸津貼銀兩較多之溫江新繁郫縣灌縣彭縣崇甯崇慶什邡仁壽安縣綿竹宜賓富順南溪永川江津榮昌綦江南川銅梁大足璧山三臺中江遂甯樂至安岳眉州犍爲榮縣威遠大邑瀘州等三

十三縣著加恩蠲免地丁十分之三其華陽簡州漢州資州內江資陽井研慶符長甯高縣筠連興文屏山敘永巴縣射洪鹽亭蓬溪彭山丹稜青神樂山峩眉洪雅夾江邛州蒲江合江江安雅安天全名山榮經等三十三廳州縣著加恩蠲免地丁十分之二成都雙流金堂新都綿州德陽馬邊廳珙縣隆昌永甯新津合州酉陽秀山黔江彭水石柱廳江油渠縣彰明營山蘆山岳池鹽源會理等二十五廳州縣著加恩蠲免地丁十分之一以示獎勵單並發至川省辦理軍務經朕節次頒發帑銀源源接濟可無藉民力

江津縣志

卷四

蠲政

六

現在大功將次告蒞一切善後需用之項均屬充裕除此次續輸津貼銀兩業已加恩分別蠲免外嗣後該省民人無庸復請捐輸並不得再有津貼名目該督應飭令地方官一體凜遵毋得藉端滋擾欽此乾隆三十五年地丁全免次年帶征火耗四十二年地丁全免次年帶征火耗五十七年地丁全免次年帶征火耗

嘉慶元年地丁蠲免十分之二火耗全征批解二年地丁全免次年帶征火耗七年蠲免地丁十分之三八年地丁錢糧分別蠲免嗣奉

上諭著加恩照所請捐輸津貼銀數多寡分別蠲免以示獎勵

捐輸

津邑自道光二十二年海疆捐輸以來至咸豐年間軍務繁興或本省捐輸或別省捐輸或上憲委員來縣勸捐或本縣奉文籌捐自咸豐七年起至同治十三年止通共捐出銀伍拾餘萬兩雖云踴躍急公而民力亦少竭矣